



## 預設投資策略影片文本

長度: 2'36"

小節標題	聲音	畫面
引言	<p>大家好! 今集我會同大家深入了解強積金嘅預設投資策略(DIS)。</p> <p>DIS 係一個全港強積金計劃都須要提供嘅「預設投資」方案。</p>	
影片內容	<p>DIS 推出市場已經超過 3 年, 呢個策略主要針對未曾嚟強積金賬戶作出有效基金選擇嘅成員。</p> <p>DIS 唔係一隻基金而係一個投資策略。佢係透過將資產, 配置嚟兩隻唔同風險級數嘅成分基金而組成嘅。</p> <p>DIS 裡面兩隻成分基金分別係「核心累積基金」以及「65 歲後基金」。呢兩隻基金 會分散投資於環球市場同埋多元嘅資產類別。</p> <p>「核心累積基金」嘅投資目標係長線資本增值, 基金有大約六成投資於較高風險嘅資產類別 (例如股票), 其餘四成投資於較低嘅風險資產類別 (例如債券、貨幣市場工具等)。</p> <p>至於「65 歲後基金」則著重賺取相對穩定嘅投資回報, 基金大約有八成資產投放嚟債券、貨幣市場工具等低風險資產, 其餘</p>	

	<p>約兩成就投資喺股票類別。</p> <p>另外，值得一提，呢兩隻成分基金嘅管理費用係受法例規定而設有上限嘅。</p> <p><b>DIS</b> 投資策略係隨著成員年齡增長而按年自動降低投資組合嘅風險。</p> <p>喺 50 歲之前，成員嘅資產會全數投資於「核心累積基金」，而由 50 歲起會每年減持約百分之 6.7「核心累積基金」，並轉移至「65 歲後基金」。</p> <p>當成員 65 歲嘅時候，資產就會全數投資喺「65 歲後基金」。</p> <p>呢個自動降低風險嘅策略另一特點，係幫助成員喺臨近退休時，減低因市場大幅波動，而對佢嘅整體強積金投資表現，可能造成嘅負面影響。</p> <p><b>DIS</b> 一般適合兩類強積金成員，第一類係無時間打理強積金賬戶嘅成員，第二類就係準備退休嘅人士。</p>	
總結	<p>為咗更了解自己冇無足夠收入維持退休生活所需，大家不妨採取一個主動嘅態度，多啲了解強積金平台上各種唔同嘅基金，並時刻謹記按照自己嘅投資目標以及風險承受能力，去選擇合適自己嘅基金類別。</p>	
聯絡方法		<p>恒生強積金僱主專線: 22886822  恒生強積金服務熱線: 22132213  恒生強積金網頁:  <a href="http://hangseng.com/empf">hangseng.com/empf</a></p>
風險及免責聲明		<p>此短片內容只屬一般參考意見，亦不構成任何招攬或建議任何人以內容取代有關專業意見。你應於作出任何有關本短片內容的決定前，聽取專業人士的分析及建議。</p>

		<p>本短片的所有知識產權屬恒生銀行有限公司（「本行」）所有及保留。任何人士未經本行書面授權，不得為任何目的而複製、分發、修改、播放、連接或以任何方式傳送有關影片所載之全部或任何部分。</p> <p>投資附帶風險，投資價值可升可跌，甚至變成毫無價值。以上觀點可能會因市場因素或環境受改變而不需另作通知。過往的業績並非未來表現的指標。本短片所載資料並無因應任何個人作出檢核。閣下承認信賴任何以上資料內容之風險由你自行承擔。投資者應就本身的投資經驗、投資目標、財政資源及其他相關條件，小心衡量自己是否適合參與任何投資項目。請細閱閣下有興趣之有關投資產品的銷售文件，以取得更詳盡資料。</p> <p>此短片未經香港證券及期貨事務監察委員會或任何香港的監管機構審批。</p> <p>2020年9月</p>
--	--	--